

Gvangjsih Minzcuz Bau

ganhhau: CN45-0036 B.2019 Nd.12 Ng.25 liggaeuq geijhah nienz ndwenit samcib

广西民族报

(壮文版)

主管主办: 广西壮族自治区

民族宗教事务委员会

编辑出版: 广西民族报社

出版期数: 总第 3405 期

Heiq Minzcuz 《Liuz Sanhcej》 Banj Ciengqgo Bae Sizniz Gohgiyen Yienj

Mboengqneix, heiq minzcuz 《Liuz Sanhcej》 banj ciengqgo youz Cungguk Gohgi Vujgiyen lienzhah Gveilinz Si Vwnzva Gvangjden Caeuq Lijyouzgiz caezcaemh dajcauh haenx bae Sizniz Gohgiyen yienj.

Gij cienzgangj Liuz Sanhcej riuzcienz gvangq, gij go Liuz Sanhcej ndaej daengz gyoengq bouxyawj ndaw guk rog guk haenggyaez. Baez neix Cungguk Gohgi Vujgiyen bae Audaliya caeuqfaenh Cungguk Audaliya vwnzva youqgaenj doxgyau hanghmoeg—Ciet Cunghvaz Vwnzva Audaliya Gaiq Daihsam, aeu heiq minzcuz 《Liuz Sanhcej》

banj ciengqgo bae yienj, baij bae 80 lai vunz yienjok. Lij Daveiz dang cijveih, Ciengj Ningz yienj Liuz Sanhcej, Vuj Banh yienj Ahniuzgoh.

Heiq minzcuz 《Liuz Sanhcej》 gaijbien daj banj bi 1959 Gvangjsih heiqcaijdiu 《Liuz Sanhcej》, banj bi 1960 benq gojgaeq ciengqgo 《Liuz Sanhcej》 caeuq banj bi 1960 Gvangjsih heiqgofoux 《Liuz Sanhcej》, lwnhgangj gij gojgaeq saenzgeiz “sienfwen” Bouxcuengh Liuz Sanhcej, danqhaenh gij dungxcaiz vunz guhhong, langhbaij gij go miz funggek minzcuz, hawj conzdungj minzcuz vwnzva miz gij

saemjgyaeu caeuq gyaciz seizdaih. Aen doih cauuhuh heiq minzcuz 《Liuz Sanhcej》 comz boux raizbuj Leiz Leiz, boux bienheiq Yi Mingz, boux daujyenj Cai Veihsan daengj buek yisuzgyah maenhndei ndeu.

Bouh heiq neix youq bi 2018 ndwen 2 youq Gveilinz Dagiye sawq yienj, doeklaeng youq aen biqmuqsik ciet heiqgo Guekgya Dagiye yienjok, caemhcaiq caeuqfaenh “seiz yienjok guekgya yisuz yienh duenz 2018” yienjok, ndaej daengz gyoengq boux-yawj haenhndei.

(Coh Veij)

Yungzanh: Baengh Minzsuz Hozdung Haiguh Senhconz Fanj Sezgyau



Ndwen 12 ngoenz 21, Liujcouh Si Yungzanh Yen ciet vwnzva gijwn ndei “gaeqmbin Daboh” gaiq daihhaj haimuq, langhbaij gij vwnzva gaeqmbin miz daegsack, doxdax cawj gaeq, cien vunz diuq fouxsau daengj, hozdung hingz sik lai yiengh ndei yawj yinx ndaej bouxhek daengx guk gak dieg daeu yawj, Yungzanh Yenveij Cwngfazvej gaemdawz aen seizgei ciet minzsuz vwnzva senhconz gij cihsiz fanj sezgyau hawj gyoengq vunz dangdieg caeuq bouxhek, sonyinx gyoengq vunz gyaez gohyoz, buq maez-saenq, cien vwnzmingz, lizgyae sezgyau. Ndaw doz dwg bouxguhong senhconz gij cihsiz fanj sezgyau hawj gyoengq vunz.

(Cinz Ginghoz/覃庆和)

“Song Vah Song Soengq” Hawj Cwngcwz Haeuj Mbanjmyauz

Vih senhconz gij cingsaenz Cibgouj Gaiq Seiqcung Cienzhohi Dangj, cienz gij cingsaenz fapceih, ndwen 12 ngoenz 18, Liujcouh Si Minzcunghvej, Si Swhfazgiz youq Yungzsuij Myauzcuz Swciyen Ganjdung Yangh Danggiuh Cunh Mbanjvuhyingh Mbanjmyauz haiguh aen hozdung yungh “song vah song soengq” gangj gij cingsaenz Cibgouj Gaiq Seiqcung Cienzhohi Dangj caeuq bae mbanj soengq fap minzcuz doxgiet, hawj gij cingsaenz cwngcwz dangj haeuj Mbanjmyauz, hawj fapceih haeuj gyangsim vunz lai dieg minzcuz vunz-noix bae youq, vih hwnjguh Mbanjmyauz ginghci hwnghfat, swnghdai vwnzmingz, doxhuz vuenyungz cau h’ok gij vanzging fapceih ndei.

Ngoenzhaenx banhaet, gyoengq vunz Mbanjmyauz daenj buhvaq moq-sag gyaeuget doxcomz youq giz ndeu, bousenhyangj aen duenz senhyangj Yungzsuij giethab gij hwnghfat Mbanjmyauz, faenbied yungh Vahmyauz caeuq Vahgun song cungj vah gangj gij cingsaenz Cibgouj Gaiq Seiqcung Cienzhohi Dangj hawj vunz lai Myauzcuz, gangj ndaej depgyawj vunz lai, hawj gyoengqde lai rox gij cingsaenz Cibgouj Gaiq Seiqcung Cienzhohi Dangj.

Hozdung yienhciegz lij guh senhconz, ciengjdap, camcaz faplwd cihsiz “song vah” dem, vunz lai Myauzcuz gaenxmaenx caeuqfaenh hag fap hozdung. Baez hozdung neix fat mbawdan senhconz, ceksa iq senhconz

600 lai faenh, venj fuk baengzhoengz senhconz 6 fuk, gejdap mizgven camcaz 50 lai vunzbaez.

Ciuq cam rox, aen mbanj neix dieg youq diegbya gapgyaiq Gveicouh Gvangjsih, Vahmyauz dwg cungj vah dandog vunz lai dangdieg yungh. Mbanjvuhyingh Mbanjmyauz youq Gvangjsih daiqdaez hwnjlaeb aen cujiz “song vah” yinzminz diuzgaij, yinzminz diuzgaij dwg gij cujyau fuengsik Mbanjmyauz gaijgez cengnauh, gaenq baenz “giz onjdingh” Mbanjmyauz huzndei, Mbanjmyauz ciuq fap hag fap souj fap yungh fap funghsang moq cugyamq guhbaenz.

(Fu Yungjsinh Vangz Veij/傅永新 王炜)

SIUSIK DINJ

● Ndwen 12 ngoenz 18 banhaemh, Baksack Si Yougyangh Gih youq Bak-sack Swnhlinz Gvangjcanz banh comzyienj heiq lenz-cwngh, aen cawjdaez dwg “cienz rumz seuq heiq cingq · hwnq Yougyangh cingliemz”. Yienjok miz siujbinj, vaiqbanj, heiq, diuqfoux daengj, cezmuiz giethab bonjdieg minzcuz daegsack, senhconz gij cingzgoj haeujlaeg haiguh daj yiemz guenj dangj.

(Vangz Cwngzveij)

● Mboengqneix, Denz-yangz Yen Bahbez Yangh Veiswnggh Giswngghsoj, Yangh Veiswngghyen lienzhah haiguh aen hozdung hauxseng cangqheiq seng ndei ciengx ndei coicaenh hanghmoeg senhconz caeuq yawj bingh mbouj aeu cienz. Baez hozdung neix, cujyau miz cangqheiq ciengxndang, gij cwngcwz veiswnggh giswnggh, camcaz faplwd, yawj bingh mbouj aeu cienz daengj senhconz caeuq fugsah hozdung.

(Veiz Bungz)

● Ndwen 12 ngoenz 19, Cingsih Si Fulenz cujiz mizgven giyez bae Dwnh-banz Yangh Cungsim Siuj-yoz aen si neix haiguh bi 2019 gvansim lwngyez louz mbanj caeuq hagseng gungzhoj “raeu doeng hengzdoengh”, soengq cienzcamnai caeuq daehsaw bae hawj 16 boux lwgyax caeuq lwngyez ranzungzhoj aen yangh neix, caemhcaiq caeuq gyoengqde gangjgoj, roxyiuj gij cingzgyang hagsib gyoengqde.

(Vangz Anhcungh)

● Ndwen 12 ngoenz 18, aen ban son’gyau gihbwnjgungh Heiqcuengh baihaek caeuq citheiq bae mbanj yienj youz Lingzyinz Yen Vwnzva Dijyuz Gvangjden Caeuq Lijyouzgiz cawjbanh, Lingzyinz Yen Vwnzva’gvany ciepbanh haenx, youq Lingzyinz Yen Cauzlij Yauzcuz Yangh Luzcoz Cunh haiban. Daengx yangh 8 aen doih seizhoengq 70 lai bouxyienj vunzguhnaez caeuqfaenh songyauq.

(Biz Cujbauj)